



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

Articulus II [i.e. XI]. De modo Præsentationis faciendæ.

---

[urn:nbn:de:hbz:466:1-73045](#)

praesentare, nec possit filium; aut contra, si possit filium, possit & seipsum; non inquam obstat; nam hæc identitas non est realis, sed juridica, seu facta, juris dispositione ad certos tamen effectus, per ordinem ad quos ex iusta causa casum, coeteroquin falsum, disponit habendum tanquam verum; consequenter se non porrigit ad quoslibet effectus; hinc in materia electionis non est hæc identitas facta inter patrem, & filium; nec in natura acquirendi spiritualia; nam ex L. illud 35. ff. quod cuiuscumque Universit. nam filius patri suffragium, seu vocem electionis dare potest; & in spiritualibus non acquirit Patri, sed sibi.

3250 *Not. 2.* nec Laicum, nec Clericum posse sine simonia emere Jus Patronatus, seorsim, ac solitariè sumptum, ut constat ex dict. supr. posse tamen indirectè, nimurum per consequentiam, directè nimurum emendo bona temporalia, quibus Jus Patronatus annexum est, quia tamen circa hoc potest dubitari, an id procedat etiam in casu, si ea bona emeret ex intentione, ut, obtento per consequentiam Jure Patronatus in Ecclesiis patronatis, filios suos, vel nepotes, praesentare possit? Respondebat Pirhing *h. t.* n. 93. ejusmodi exemptionem ex tali intentione vitiari, quod contineat simoniam mentalem, consequenter talem privandum Jure Patronatus, & Ecclesiam propter injuriam sibi factam ex tali vicio reddi liberam.

3251 In hac quæstione dicendum videtur cum distinctione, & affirmandum cum cit. Authore, si intentio principaliter, ac directè feratur in acquirendum Jus Patronatus; non autem, si directè, ac principaliter in bona temporalia, licet indirectè veniat etiam Jus Patronatus, ac eo deinde intendat uti pro commodo suorum liberorum qui apti sunt in ejusmodi Ecclesiis, cum vacaverint, deseruire, & hoc videtur intendi per c. *Quia Clerici* 6. *b. t.* ubi Alexander III. sic rescribit, quia Clerici quidam Advocatas (id est, *Jus Patronatus*) Ecclesiarum comparant, sive emunt, (per se tantum, sive seorsim, nam cum Universitate bonorum vendi potest, Gl. hic V. *Comparant.*) vel quocunque modo posseunt, sibi acquirunt, ut postea eorum

filii, aut nepotes ad easdem Ecclesiæ vacantes praesententur; id severius prohibendum esse, mandat Pontifex, eosque, qui Advocatas sive Patronatus ita acquisierint, appellatione postposita, iis privandos esse.

Ratio 1. partis est, quia talis intentionis, quæ principaliter, & directè querit acquirere Jus Patronatus per emptionem, est in re, ac vere simoniaca, cum pretio directè acquirere Jus Patronatus, quod saltem est annexivè spirituale, ex dictis, licet pravus ille animus vestiatur pallio emptionis temporalium; talis porro simoniaca emptione punitur privatione Juri Patronatus, quin redeat ad venditorem, ut dictum est, & colligitur ex cit. c. *quia Clerici*, ergo, ratio secundæ partis est, quia in hoc casu id, pro quo datur pretium ex pacto emptionis directè, ac principaliter, est Jus bonorum temporalium, quod spirituale non est, etiam annexivè, & velle uti Jure Patronatus ad praesentandum filios, vel nepotes in Ecclesiis patronati subjiciens, cum vacaverint, ponitur non esse objectum directum, & principale ex intentione emptionis; nec importat voluntatem illicitam, ut dictum est, ergo.

## ARTICULUS II.

### *De modo Præsentationis facienda.*

Prima quæstio est, an per hoc, quod <sup>3252</sup> quis à Patrono praesentetur, praesentatus acquirat jus ad beneficium? R. non acquiri *jus firmum* prius, quam illi præsentatio exhibeat, cuius est institutio; sic tradunt communiter Garcia de beneficiis p. 4. c. 1. n. 6. Barbosa p. 3. allegat. 72. n. 12. & alii; nam præsentatio dicitur respectivè non tantum ad eum, *qui* præsentatur, sed etiam ad illum cuius hinc præsentatio, *in re non est cum effectu* præsentato constituendi *jus* ad rem, seu beneficium, nisi facta sit ei, cui præsentatus à Patrono manifestari debet, & exhiberi.

*Quia* vero quandoque unius etiam <sup>3253</sup> Ecclesiæ plures sunt Patroni, quibus competit jus præsentandi, quæstio altera est, an debeant vocari ad hoc omnes? vel sufficiat præsentationem ab uno fieri? Ante

Ante respons. not. disceptari à non nullis, an præsentandus, ut præsentatio datur rite facta, debeat se in persona sacerdoti instituenti, ut ex facta præsentatione dicatur jus ad beneficium consecutus? cique institutio debeatur, si aliud non obstet? Affirmativam videntur aliqui tenere ex pluribus causis.

Prima est ex c. cum & plantare, §. in Ecclesiis, de privilegiis, ubi habetur, quod Religiosi, etiam exempti, in Ecclesiis suis, quæ ad eos pleno jure non pertinent, instituendos Presbyteros Episcopis representant. Ex quo ibid. n. 30. infert Barbosa, quod tales debeant instituendi se personaliter exhibere. Nam præsentatio est exhibiti persona per Patronum Episcopo, vel alteri, ad quem institutio pertinet, legitimè facta.

3254 Altera est, quæ dicunt, hanc præsentiam corporalem vel personalem præsentati, coram Instituente faciendam, etiam probari ex Trid. Sess. 24. de reform. c. 18. ubi dicitur, præsentatum à Patrone Laico, non admitti, nisi ab Ordinario examinatus, & idoneus repertus fuerit, quod etiam procedit de beneficiis simplicibus, & quibusvis aliis, ad quæ aliquis ab alio, etiam Ecclesiastico, præsentatur, eligitur, vel nominatur, ut habetur in eod. Trid. Sess. 7. c. 13. ubi expresse dicitur, quod nec institui, nec confirmari, nec admitti debeant, nisi fuerint prius à locorum Ordinariis examinati, & idonei reperi; sed hoc examen, cum personale sit, requirit examinandi, consequenter instituendi, præsentiam corporalem coram Instituente præstandam. Imo Sess. 25. de reform. 9. dicitur: beneficium Juris Patronatus (quoniamvis simplex sit, & possit inferior ad illud instituere) requirere Episcopi examen, ut scilicet sciat, an sint atate, literis, & sufficientia idonei? Adverendum autem hoc procedere de examine solum privato ante institutionem, vel confirmationem, non dandam ab Episcopo, quando non sit per concursum. Difficultas est, si negetur institutio nisi præsentatus, vel electus personaliter accedat ipsum Episcopum, præsertim, quando justis quandoque de causis hanc sui præsentiam corporalem Episcopo exhibere non potest, his præmissis:

Re. 1. Episcopum non posse jure ne-

3255 gare institutionem Clerico habili, ad beneficium vacans, præsentato à Patrone legitimo, licet Patronus præsentationem non faciat personaliter, seu per sua persona corporalem presentiam, sed soldam per literas, vel Procuratorem, sic Castropalaus tr. 13. D. 2. p. 1. n. 5. Nam in c. ea noscitur, de his, qua sunt à Prælato, id aperte decisum est ibi: per se, aut per literas, personas idoneas presentent Episcopis diaecsanis. Idem habetur in c. fin. de Concess. præbend. Ex quo rectè sequitur, quod Patronus etiam absens præsentationem facere possit.

Re. 2. Nec ex parte præsentantis, nec

3256 ex parte præsentati ad valorem præsentationis requiri, ut præsentatus ei, ad quem institutio spectat, corporaliter se præsentet, modo id faciat per literas, vel Procuratorem: sic Castropalaus cit. n. 5. & Azor p. 2. l. 6. c. 21. q. 6. Quia nullus est textus Juris, qui ad valorem præsentationis requirat, ut præsentatus se personaliter, seu corporaliter sifat ei, ad quem pertinet institutio præsentati, & aliunde per reg. juris, quod quis per alium facit, per se ipsum facere censetur. Accedit Praxis. Nam Episcopi Gallie, Hispanie, Flandriæ, à suis Regibus præsentati, ut Not. Castropalaus cit. n. 6. imo etiam Hungariae, & Germaniae, qui à Pontifice instituendi sunt, non exhibent se personaliter Pontifici instituendos, & in c. Accedens. de præbend. Clericus absens investitur de beneficio Ecclesiastico: ergo à fortiori præsentari, vel nominari potest absens. Nec obstant ea, quæ superius adducta sunt 1. quia præsentari, est sui præsentiam facere, vel per se ipsum, vel per alium; examen autem ad summum requirit corporalem præsentiam examinandi non pro præsentatione, sed institutione, vel confirmatione.

Ex hoc colliges contra Barbos. (qui

p. 3. de offic. & potest. Episc. allegat. 7. 2. 2. n. 110. & 517. affirmit, certissimum esse, non teneri Ordinatum absentis præsentationem admittere, sed posse illam repellere, tametsi ci notus sit) colliges, inquam, contra illum, talem absentis præsentationem non posse rejici ut inviadum ex eo, quod se personaliter non

Bbb bb 3

sifat,

750 Tract. In Lib. III. Decretal. Quest. XXXVIII.

sistat, ut patet ex dict. cùm ad valorem presentationis necessaria non sit.

<sup>3258</sup> <sup>R. 3.</sup> privatum examen praesentatorum, vel electorum non esse de forma vel substantia institutionis, vel electionis sic, ut illo pratermissio institutio, vel confirmation, invalida sit. Nam si Episcopo, praesentata nota sit etas, literatura, & sufficientia, opus non est examine, ubi institutio fit sine concursu; sic gloss. in c. de Petro dist. 47. V. Ignotus. Innoc. c. in Lateranensi, de prabend. Barbos. p. 3. de potest. Episc. alleg. 72. & apud hos alii: si autem illud examen prævium esset de institutionis forma, remitti non posset ab Episcopo, etiam in casu illo, nec institutio valeret, cuiusdam oppositum omnino certum est, ex praxi etiam in Germania plurimorum sic institutorum.

Censetur autem Episcopo notus, seu notoriè dignus, si est Doctor in aliqua Universitate studii generalis graduatus; sic Barbosa p. 3. de potest. Episc. allegat. 60. n. 85. ubi tamen excipit beneficium Parochiale, quod verum judico, si conferendum sit per concursum propter dicta n. 711. & 428. Deinde idem Author in c. Cum & plantare. §. in Ecclesiis, de Privil. n. 34. docet, hoc ipso, quod quis sit dioecesanus Episcopi, eum huic præsumi notum in ordine ad hunc effetum, ut sustineatur praesentatio de absente, & ideo cit. p. 3. n. 87. docet, esse receptissimum sribentium resolutionem, examen necessarium esse pro forma in solis Parochialibus, intellige, in quibus requiritur concursus, aut ubi praesentatus absque examine non est sufficenter instituenti notus quoad idoneitatem.

<sup>3259</sup> <sup>R. 4.</sup> ad valorem institutionis vel confirmationis non esse necessarium, ut examen instituendi vel confirmandi fiat coram ipso instituente, vel confirmante, licet instituendus, vel confirmandus Episcopo notus non sit. I. quia institutio vel confirmatio valet, si examen fiat per Delegatos ab Episcopo, ut pat. ex Trid. Sess. 24. de Reform. c. 18. nisi opus esset concursu, imo fieri potest per Delegatos etiam extra Provinciam, cùm non sit actus judicialis Barbos. p. 3. de potest. Episc. allegat 72. n. 119. Secundo,

quia Vicarius seu Officialis Episcopi jure suo ordinario, sine speciali illius licentia, validè instituit praesentatos, & confirmat electos, ut ex communi sententia docet Barbosa p. 3. allegat. 54. n. 70. gl. in c. fin. de Offic. Vicar. in 6. V. non posse. Zerola in Praxi Episcoporum p. 1. 14. Azor p. 2. l. 3. c. 44. q. 50. & videri potest lib. 1. tit. 6. ubi agimus de confirmatione electi.

<sup>3260</sup> <sup>R. 5.</sup> praesentato, vel electo, notoriè digno non possit jure negari institutionem vel confirmationem, quando ex iusta causa non potest sui personalem praesentiam facere illi, penes quem est Jus institutionis, vel confirmationis, si paratus sit se sistere in loco, ubi justum illud principaliter impedimentum cessat, praesertim, si in hoc sint Examinatores Ordinarii, vel Officialis, seu Vicarius Generalis Episcopi. Nam in tali casu nullo juris textu probari potest, Ordinario competere Jus negandi institutionem vel confirmationem, cùm illi satis constare possit per Vicarium suum notoria dignitas instituendi, vel confirmandi, quo cessat periculum ne promoveatur indignus, vel minus dignus, in quo uno fundatur ratio personalis praesentie instituenti, vel confirmanti facienda, per instituendos vel confirmandos. Dixi: quando ex iusta causa, vel impedimento non potest, seu quando per ipsum non fiat, personaliter se sistere, puta, si prohibetur exire extra territorium Principis temporalis, habentis, vel ex Privilégio, vel longo usu, & consuetudine, etiam Romanæ Sedis factis iteratis probata, ne sui subditi extra suas terras evocentur, sed per Delegatum intra cas fiant, si que facienda sint.

Contraria opinio fundat se in his, <sup>1261</sup> qua à n. 3253. allata sunt, sed non obstant. Nam ad c. Cum & plantare, concedo requiri praesentationem instituendi, sed juxta dicta, nimurum vel per se, vel per literas, aut Procuratorem. Ad 2. ex Trid. Sess. 24. c. 18. similiter concedo, praesentatos à Patrono Laico non debere institui, nisi examinatos, & idoneos repertos, quod unicè petit ille textus, ne scilicet indigni, vel minus digni promoveantur; & ad hoc requiri personaliter praesentiam praesentati; sed vel coram principe.

principali instituente, si justo impedimento careat, vel coram ejus vicario, aut delegato, quando praesentatus, justo gravique impedimento prohibetur personaliter se sistere Episcopo. Ad 3, ex ead. sess. 7. c. 13. eadem est responsio, præterquam, quod in solis Parochialibus (& quidem per concursum, non extra) conferendis, pro forma requiritur examen, quod esse personale, concedimus, ut constat ex dict. nec in notoriè dignis, ac Episcopo per se, vel alios notis exigatur, ut præmissum est.

- 3262 Confirmandur dicta seqq. fundamen-tis. Quando scitur praesentatus vel electus esse dignus, & idoneus, aut facile sciri potest, quin personaliter se sistat ipsi institu-en-ti, vel confirmandi, praesertim distanti, & ju-sto impedimento detenus ad eum etiam personaliter venire non potest, si nega-tur institutio, vel confirmatio, hoc ipso ne-gatur ei, quod jure debitum est. Nam confirmatio electi est necessitatis per c. 3. de Elect. & sapit iustitiam, cum per electionem sit ius quaesitum electo, eique sit debita confirmatio, per c. Cum inter 3. eod. sic Fagnanus ad c. Illa, ne Sede vacante à n. 12. unde in electo debitum accipiendi confirmationem; vel in praesentato institutionem, ab Ordinariis Pa-pâ inferioribus, ratione subeundi ex-aminis extra concursum, non videtur ejus corporalem praesentiam strictius exige-re, quam id exigatur in confirman-dis, vel instituendis a Summo Popula-fice: de his autem extat textus in c. Nihil est 44. de electis, ita loquens: de electis, qui ad Romanum pertinent immediate Pon-tificem, ad percipiendam sui confirmatio-nem Officii, ejus se conspectui (s. commode fieri potest) personaliter representent: aut personas transmittant idoneas, per quas di-ligens inquisitio super electionibus, & elec-tis haberi possit; in quem locum Panor-mitanus §. ceterum n. 3. ait: Nota, in dicô §. Exemptos immediate subjectos Pa-pe, teneri petere confirmationem electionis à solo Papa, dic tamen quod etiam Legatus de latere potest istorum exemptorum electiones confirmare, & statim subiungit: pro-cedit ergo iste textus (quod electi vel per-sonaliter, vel per idoneas personas Papæ presentare se debeant) si Legatus de la-
- tere non effet in partibus. Cum ergo etiam Vicarius Episcopi jure suo possit confirmare electos sine speciali licentia Episcopi, ut diximus supra, obligatio, ut electi se praesentent conspectui Episco-pi, procedit solum, quando Vicarius Episcopi non est in illis partibus.
- Hinc electus, qui benedici ab Epi-scopo deberet, interim omnia, quæ ad suum officium spectant, exercere potest (si Episcopus tertio cum humilitate ro-gatus, benedictionem impendere recu-set) donec deposita sua duritiam benedi-citionem conferat, sic Card. de Lugo in qq. Canonicis de Prælat. Ecclesiastico-rum electione c. 17. q. 2110. Accedit, quod examen sive inquisitio de vita, & moribus electi, debeat fieri in loco, ubi electus est conversatus; quia universim inquisitio de fama alicujus, fieri debet in loco, ubi diutius morabatur, quia ibi est notus, & melius cognosci potest. c. postquam. 3. de elect. gl. ibid. V. Conver-satus, & Abbas n. 4. ergo si ibi sit Vicarius generalis, citari non debet extra territorium Principis jure prohibentis egressum; si autem electus notoriè sit idoneus, nulla alia facienda est inquisi-tio in vitam & mores ipsius, ut colligi-tur ex Constitutis. 46. de appellat. & c. Nullus. 2. dis. 24. ub. Gl. ait: quod noti non sunt examinandi, sed tantum ignoti. Abbas in c. Postquam. 3. de elect. n. 5. Pirbing de elect. n. 320. his præmissis:
- ¶. Ad questionem in n. 3252. pro-3264 positam ¶. cum distinctione praesentatio-nis factæ à pluribus per modum unius; aut per modum plurium; nam si praesentatio facienda sit à pluribus, non ut pluribus, sed in quantum constituunt unum corpus, seu Collegium, vocandi erunt omnes, ut secus praesentatio nulla sit, vel saltē cassanda; si autem à pluribus per modum plurium, sufficre majorē corum partem; sic tradit Lessius l. 2. c. 34. D. 8. n. 34. & alii, quod quidem verum est, si tamen omnes ad hoc, qui debebant, vocati sunt. Pri-ma pars colligitur ex c. quod sicut 28. de Elect. ibi: quod, si eos vocatos non fuisse confiterit, sed contemptos, infirmanda erit electio penitus taliter celebrata, nisi postea proper bonum pacis curaverint con-sentire,

752 Tract. In Lib. III. Decretal. Questio XXXVIII.

sentire, &c. Bone 36. eod. ibi: electio-  
nem autem Archi-Diaconi (quamvis  
laudabile testimonium perhibetur de  
ipso) *justitia exigente cassavimus*; tum quia  
corpo dicti Episcopi nondum tradito  
sepulturae, habuerunt de ipsa electio-  
ne tractatum contra canonicas sanctio-  
nes: *tum quia inventus est H. fuisse con-  
temptus, licet unus solus extiterit, cum  
plus in talibus consueverit contemptus unus  
obesse, quam multorum contradicatio in pra-  
senti.* Ratio 2. partis est; quia, et si ver-  
rum sit, acta à majori parte alicuius  
Communitatis valere, id tamen accipi-  
endum est de Majori parte eorum, qui  
*vocati* præsentes sunt; ne absens, citra  
culpam, privetur jure suo, qui vocatus  
non est, & vocari poterat, ac debebat;  
alias enim taliter contemptus, seu ne-  
glectus, præsentationem etiam secutâ  
institutione impugnare poterit, ut cal-  
latur, sicut potest elector contemptus,  
electiōnem etiam confirmatam, ut con-  
stat ex relatis juribus.

3265 Difficultas est, qualiter intelligi, vel  
accipi debeat *major pars*, quando præ-  
sentatio spectat ad plures, quin consti-  
tuant communitatē, quæ dicatur præ-  
sentare; v. g. in casu, ubi respectu ejus-  
dem Ecclesie sunt 12. patroni, quorum  
quilibet seorsim ab aliis præsentat. Ta-  
li enim casu contingere potest, quod  
quinque præsentent Titium; quatuor  
Cajum; tres Sempronium: in hoc casu  
dubitari posset, an is, qui habet in hoc  
casu tantum quinque, censeatur legitimè  
præsentatus, & coeteris habentibus mi-  
norem numerum preferri possit, ac ex  
tali præsentatione validè institui? Vide-  
tur enim quod non; nam et si habeat  
majorem numerum *respectivè* ad alios;  
non tamen habet majorem numerum,  
qui est *absolute* major Patronorum in cum  
consentientium; at hoc videtur exigi  
non minus, ac in electione, ubi non  
sufficit, ut prodeat electus, quod habeat  
numerum suffragiorum, qui est ma-  
jor respectivè, sed debet habere majorem  
absolute; qui scilicet vere major est Electo-  
rum præsentium, & in eum consentienti-  
um, ut diximus l. i. tit. 6. de elect. Di-  
cendum tamen affirmativè cum Joan.  
Andr. in c. *Quoniam h. t.* nam in hoc  
casu non recte arguitur ab electione ad

præsentationem; ratio est, quia ut pro-  
deat electus, electio debet fieri *commu-*  
*niter, & nomine Communitatis*; ad quod  
verificandum, omnino exigitur præsen-  
tium Capitulatum major numerus *ab-*  
*solute*; at in nostro casu præsentatio non  
fit *communiter*, seu nomine Communi-  
tatis Patronorum, ut ponitur in casu  
ergo; & ita tenent Azor p. 2. l. 6. c. 21.  
q. 20. Sylvester V. *Jus Patronatus* q. 13.  
& alii.

ARTICULUS XII.

*Quid possit Ordinarius circa beneficia  
Patronata?*

Cum provisio, quam Ordinarius 3266  
impendere potest beneficiis Patro-  
natis, non sit illi libera, nec pendat ex  
ejus liberalitate; sed sit necessaria, fieri  
que debeat ex necessitate, supposita ha-  
bilitate legitimè præsentati; plures qua-  
stiones circa hanc ipsam necessitatem  
moveri possunt v. g. an institutio in be-  
neficio Patronato facta, sine consensu  
Patroni, solum sit illicita? an etiam  
invalida? &c. de quibus præsenti articulo.

§. I.

*Quid circa beneficia Patronata possit summus  
Pontifex?*

Non est dubium, cuiilibet patronatu 3267  
non tantum Ecclesiastico, sed et  
iam Laico derogari posse à Summo Pon-  
tifice ex iusta causa, ut docet commu-  
nis, prout videri potest apud Castropala-  
num tom. 2. tr. 13. D. 2. p. 10. n. 1.  
nam esto Pontifex alicui concedat facul-  
tatem providendi beneficio yacanti per  
electionem, postulationem, præsen-  
tationem, collationem, confirmationem,  
vel institutionem; nunquam tamen ita  
concedit, ut sibi circa hoc potestatem  
adimat supremam, super iisdem, cum  
visum fuerit, ex iusta causa disponendi,  
ut ostendimus supr. Dixi *ex causa ius-  
ta*; nam sine hoc non licet ageret; nec  
enim justum est juri alterius, sine cau-  
lationib[us] derogare, immo, ut refert Ca-  
stropalaus cit. p. 10. n. 1. signat in Tri-  
dentino Sess. 25. de Reform. c. 9. cau-  
tum